

ხელშეკრულება
სახელმწიფო შესყიდვის შესახებ №161

ქ. ბათუმი

14 ივლისი, 2021 წელი.

ერთი მხრივ, აჭარის ა.რ. ფინანსთა და ეკონომიკის სამინისტროს საქვეუწყებო დაწესებულება-საავტომობილო გზების დეპარტამენტი- შემდგომში „შემსყიდველი“, წარმოდგენილი უფროსის ზაზა შავაძის სახით, მეორე მხრივ, შპს „მარეთი 777“- შემდგომში „მიმწოდებელი“, წარმოდგენილი დირექტორის - უშანგი ფუტყარაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ქ“ ქვეპუნქტის შესაბამისად დებენ წინამდებარე ხელშეკრულებას შემდეგზე:

მუხლი 1. ხელშეკრულების საგანი და ღირებულება

1.1.წინამდებარე ხელშეკრულების საგანია შუახევის მუნიციპალიტეტში ს/გზა „ხიჭაური-ნაღვარევი“ კმ7+500 მონაკვეთზე საყრდენი კედლის მოწყობის, ს/გზა „ხაბელაშვილები-გომის მთა“ კმ2+600 მონაკვეთზე საყრდენი კედლის მოწყობის, ს/გზა „ხიჭაური-ტაკიძეები“ კმ3+100, კმ4+200 მონაკვეთზე საყრდენი კედლის მოწყობის, ს/გზა „წყაროთის გზა“ კმ0+000-კმ0+700 მონაკვეთზე საყრდენი დამცავი ზღუდარების მოწყობის (NAT210010302, 08/06/2021წ., CPV კოდი-45200000, 45247240, 45262620) ელექტრონული ტენდერის აუქციონის გარეშე შესყიდვა, შემდგომში „სამუშაო“.

1.2. ხელშეკრულების ჯამური ღირებულება საქართველოს კანონმდებლობით გათვალისწინებული ყველა გადასახადის ჩათვლით შეადგენს 146 661.44 (ასორმოცდაექვსიათას ექვსასსამოცდაერთი ლარი, 44 თეთრი) ლარს.

მუხლი 2. ანგარიშსწორების წესი

2.1. მხარეები ანგარიშსწორებას ახორციელებენ ლარში ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.2. ანგარიშსწორება მიმწოდებელთან განხორციელდება, როგორც შუალედური შესრულების (ეტაპით გათვალისწინებული სამუშაოები), ასევე ხელშეკრულებით გათვალისწინებული სამუშაოს დასრულების შემთხვევაში, შესრულებული სამუშაოს აქტის - ფორმა N2, ანაზღაურების სერთიფიკატის, სამუშაოს მიღება-ჩაბარების აქტის და ანგარიშფაქტურის წარმოდგენიდან არაუგვიანეს 10 სამუშაო დღის განმავლობაში.

2.3 მიმწოდებელი ანგარიშსწორებისას ვალდებულია წარმოადგინოს, ფაქტიურად შესრულებული სამუშაოების (დამატებული ღირებულების გათვალისწინებით) ღირებულება საანგარიშო პერიოდისა და ნაზარდი ჯამის ჩვენებით.

2.4 იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელი მოცულობების შესრულებაზე და მის გადახდაზე.

2.5 ხარჯთაღრიცხვით განსაზღვრული გათვალისწინებული სამუშაოებისათვის გამოყოფილი თანხის გამოყენება შესაძლებელია მხოლოდ იმ სამუშაოებისათვის, რომელთა გათვალისწინება შეუძლებელი იყო წინასწარ, წინამდებარე ხელშეკრულებით გათვალისწინებული სამუშაოების საპროექტო-სახარჯთაღრიცხვო დოკუმენტაციის შედგენის დროს. აღნიშნულის დადასტურება განხორციელდება შესაბამისი მოტივირებული დასკვნის საფუძველზე, შემსყიდველთან წინასწარი წერილობითი შეთანხმებით.

2.6 შემსყიდველი უფლებამოსილია, ხელშეკრულებით გათვალისწინებული პირობების დარღვევის გამო დაკისრებული პირგასამტეხლო (ასეთის არსებობის შემთხვევაში) დაუკავოს (გამოუქვითოს) მიმწოდებელს ასანაზღაურებელი თანხიდან და გადარიცხოს ბიუჯეტის შესაბამის ანგარიშზე.

მუხლი 3. სამუშაოს შესაბამისობა

3.1. ხელშეკრულების პირველი მუხლით გათვალისწინებული სამუშაოები უნდა შესრულდეს ჯეროვნად საპროექტო დოკუმენტაციის, ტექნიკური პირობების, მოქმედი სამშენებლო ნორმებისა და წესების, გარემოზე ზემოქმედების შეფასების, მათ შორის ეკოლოგიური ექსპერტიზის დასკვნისა და გარემოსდაცვის მოთხოვნებისა და პირობების (მათი არსებობის შემთხვევაში), მსგავსი სამუშაოებისათვის უკვე არსებული სტანდარტებისა და შემსყიდველი ორგანიზაციის მოთხოვნების შესაბამისად. მუშაობის პროცესში შემსრულებელი ვალდებულია სამუშაოები შეასრულოს საქართველოს კანონის “საავტომობილო გზების შესახებ”, საგზაო სამუშაოების კლასიფიკაციის შესახებ ინსტრუქციის, საპროექტო დოკუმენტაციის, ტექნიკური პირობების, სპეციფიკაციების, წინამდებარე ხელშეკრულების პირობებისა და საქართველოში მოქმედი ყველა საჭირო სამშენებლო ნორმის, სტანდარტებისა და წესების მოთხოვნების დაცვით;

3.2 წინამდებარე ხელშეკრულების 3.1. პუნქტში აღნიშნული წესებისა და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

3.3. მშენებლობის პროცესში გამოყენებული ყველა მასალა-მოწყობილობა უნდა იყოს მაღალი ხარისხის, რაზედაც შემსყიდველს უფლება აქვს მოითხოვოს სტანდარტის დამადასტურებელი სერთიფიკატი. შემსყიდველს უფლება აქვს მშენებლობის ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი, იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამშენებლო სამუშაოთა წარმოება და აკრძალოს შეუსაბამო მასალების გამოყენება. ტექნიკური ზედამხედველის მიერ მასალის დაწუნების შემთხვევაში წუნდებული მასალის გამოყენება მშენებლობაში დაუშვებელია. იმ შემთხვევაში, თუ მიმწოდებლის მიერ შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოასწოროს, სამუშაოს შესრულების მომენტში დაშვებული ხარვეზები საკუთარი ხარჯებით.

3.4. სახელშეკრულებო ობიექტზე შემსრულებელმა უნდა აწარმოოს სამუშაოთა წარმოების ჟურნალი - დანართი N1-ის შესაბამისად, სადაც ყოველდღიურად ჩაწერს დღიური შესრულებული სამუშაოების მოცულობას, შემსრულებელი პერსონალის მონაცემებს, გამოყენებული მექანიზმების და მოწყობილობების ჩამონათვალს, რომელიც მონაწილეობდა სამუშაოს შესრულებაში, ხარისხის დაცვის პროცედურებს და სხვა. ტექნიკური ზედამხედველი აფიქსირებს თავის შენიშვნებსა და რეკომენდაციებს სამუშაოს წარმოების შესახებ, ჟურნალში ჩაიწერება განსაკუთრებული დავალებები, აღმოჩენილი დეფექტები და მათი აღმოფხვრის ვადები. მიმწოდებელმა უნდა აწარმოოს ყველა სამშენებლო ტექნიკური დოკუმენტაცია, რომელიც განსაზღვრულია მოქმედი სამშენებლო ნორმებით და სტანდარტებით ობიექტის მოვლა-შენახვის სპეციფიკის გათვალისწინებით.

3.5. ფარული სამუშაოების წარმოების შემთხვევაში მიმწოდებელი ვალდებულია შეადგინოს ფარული სამუშაოების დამადასტურებელი წერილობითი აქტები - დანართი N2-ის შესაბამისად. ფარული სამუშაოები

წარმოებული და დამოწმებული უნდა იყოს, როგორც მიმწოდებლის, ასევე ტექნიკური ზედამხედველის მიერ.

მუხლი 4. სამუშაოს მიღება-ჩაბარების წესი

4.1. სამუშაოს მიღება ხორციელდება ამ ხელშეკრულების 1.1. პუნქტში აღნიშნულ ადგილზე.

4.2. სამუშაოების შესრულების ვადაა 75 კალენდარული დღე ხელშეკრულების დადებიდან. შესრულებული სამუშაოების მიღება განხორციელდება 2 ეტაპად დაყოფილი ხელშეკრულებაზე თანდართული სამუშაოების შესრულების გეგმა-გრაფიკის შესაბამისად. 1-ლი ეტაპი მოიცავს 30 კალენდარულ დღეს, ხოლო მე-2 ეტაპი 45 კალენდარულ დღეს.

4.2.1 მიმწოდებელი ვალდებულია სამუშაოები დაიწყოს არაუგვიანეს 5 კალენდარული დღისა ხელშეკრულების დადებიდან. სამუშაოს დაწყების შესახებ წერილობით აცნობოს შემსყიდველს.

4.2.2 სამუშაოს დაწყების თაობაზე მიმწოდებლის წერილობით შეტყობინებაში მითითებული უნდა იყოს დეტალური ინფორმაცია - სამუშაოების ჩამონათვალი, თუ რა კონკრეტული სამუშაოები მიმდინარეობს ობიექტზე.

4.2.3 მიმწოდებელს ეტაპებს შორის საშუალება ეძლევა განახორციელოს შუალედური მიღება- ჩაბარება, მაგრამ არანაკლებ ეტაპის სამუშაოს ღირებულების 50%-სა.

4.3 ამ ხელშეკრულებით შესრულებული სამუშაოების შემოწმებას და დადასტურებას ახორციელებს შემსყიდველის მიერ უშუალოდ საამისოდ შერჩეული პირი - სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ტექნიკური ზედამხედველი, შემდგომში „ტექნიკური ზედამხედველი“, რომელიც ადგილზე ამოწმებს ხელშეკრულებით განსაზღვრულ ობიექტზე შესრულებულ სამუშაოთა მოცულობას და ხარისხს.

4.4. შესყიდვის ობიექტზე წარმოდგენილი სამუშაოს შესრულების აქტები- ფორმა #2 და მიღება-ჩაბარების აქტები დამოწმებული უნდა იყოს მიმწოდებლის მხრიდან სხვა პასუხისმგებელ პირებთან ერთად საინჟინრო განათლების მქონე სპეციალისტის მიერ. სამუშაოს შესრულების აქტები - ფორმა N2 ტექნიკურ ზედამხედველს (სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ტექნიკური ზედამხედველი) მიმწოდებლის მიერ უნდა ჩაბარდეს სამუშაოს შესრულების ვადაში. სამუშაოს შესრულების აქტებს - ფორმა N2-ს თან უნდა ახლდეს შესაბამისი ფოტომასალა (არანაკლებ 4 ფოტოსურათი, ზომით სულ ცოტა 9სმX12სმ, ელექტრონული ან/და ბეჭდური ვერსია).

4.5. ხელშეკრულების საგნის როგორც სრული, ასევე ნაწილობრივი მიღება ხორციელდება სამუშაოების მიღება-ჩაბარების აქტისა და შესაბამისობის (გადახდის) სერთიფიკატის - დანართი N3-ის გაფორმებით. შესრულებული სამუშაოების (როგორც სრულად, ასევე ნაწილობრივ) მიღება-ჩაბარების აქტის გაფორმებამდე, მიმწოდებელმა უნდა უზრუნველყოს ტექნიკური ზედამხედველის მიერ დამოწმებული შესრულებული სამუშაოების აქტის - ფორმა N2-ის წარმოდგენა, რომლითაც დასტურდება შესრულებული სამუშაოების ხარისხი, მოცულობა, ღირებულება და მათი შესაბამისობა საპროექტო-სახარჯთაღრიცხვო დოკუმენტაციასთან.

4.5.1 განხორციელებული სამუშაოების მიღება-ჩაბარების აქტზე ხელს აწერენ შემსყიდველის მხრიდან ტექნიკური ზედამხედველი და უშუალოდ საამისოდ შექმნილი მიმღები კომისია, ხოლო მიმწოდებლის მხრიდან, უფლებამოსილი პირი.

4.5.2 სამუშაოების მიღება-ჩაბარების აქტის გაფორმების შემდეგ, შესაბამისობის (გადახდის) სერთიფიკატს - დანართი N3-ს ხელს აწერენ „შემსყიდველის“ და „მიმწოდებლის“ მხრიდან უფლებამოსილი პირები.

4.6. ხელშეკრულებით გათვალისწინებული სამუშაოების, როგორც სრული, ასევე ნაწილობრივი მიღება-ჩაბარებისათვის მიმწოდებელმა უნდა წარმოუდგინოს შემსყიდველს შესრულებული სამუშაოების აქტი - ფორმა #2, ფარული სამუშაოების აქტები - დანართი N2 (ასეთის არსებობის შემთხვევაში) დადასტურებული ტექნიკური ზედამხედველის მიერ, მასალების სერთიფიკატი, ლაბორატორიული გამოცდების შედეგები.

4.7 მიმწოდებელმა უნდა წარმოადგინოს საბოლოო მიღება-ჩაბარების აქტთან ერთად დასრულებულ სამუშაოთა მისაღებად “აჭარის არ ფინანსთა და ეკონომიკის სამინისტროს საქვეუწყებო დაწესებულების საავტომობილო გზების დეპარტამენტის მიერ შესყიდული დასრულებული სამუშაოების მისაღებად წარმოსადგენი სავალდებულო დოკუმენტაციის და მისი წარმოდგენის პროცედურების განსაზღვრის შესახებ” დეპარტამენტის 2020 წლის 06 აპრილის N25ბრძანების შესაბამისად მოთხოვნილსავალდებულო დოკუმენტაცია.

4.8 შემსყიდველი ვალდებულია სამუშაოების მიღება-ჩაბარებისას, შემოწმების შედეგად გამოვლენილი წუნდებული სამუშაოს მოცულობის, წუნდების მიზეზების და წუნდების გამოსწორების ვადების შესახებ ინფორმაცია ოპერატიულად, სიტყვიერი ან/და წერილობითი სახით, აცნობოს მიმწოდებელს.

4.9 საბოლოო სამუშაოს ეტაპების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ მითითებულ ვადაში.

4.10. შესყიდვის ობიექტის საბოლოო მიღება-ჩაბარებას შემსყიდველის მხრიდან ახორციელებენ ტექნიკური ზედამხედველი და მიმღები კომისია.

მუხლი 5. გარანტია

5.1. მიმწოდებელი იძლევა გარანტიას, რომ სამუშაო განხორციელდება სამშენებლო ნორმებისა და სტანდარტების შესაბამისად.

5.2. შესრულებული სამუშაოს სრულფასოვანი ფუნქციონირებისათვის საგარანტიო ვადა შეადგენს სამ წელს სამუშაოს მიღებიდან.

5.3. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს 30 კალენდარული დღისა საკუთარი ხარჯებით უზრუნველყოს ობიექტის ექსპლოატაციის დროს წარმოქმნილი ან/და აღმოჩენილი დეფექტების აღმოფხვრა.

5.4. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია იმოქმედოს მოქმედი კანონმდებლობის შესაბამისად.

მუხლი 6. მხარეთა უფლება-მოვალეობანი

6.1. მიმწოდებელი ვალდებულია:

6.1.1. სამუშაოები დაასრულოს 75 კალენდარული დღეში ხელშეკრულების გაფორმებიდან. სამუშაოები შეასრულოს - 2 ეტაპად დაყოფილი ხელშეკრულებაზე თანდართული სამუშაოების შესრულების გეგმა-გრაფიკის შესაბამისად, 1-ლი ეტაპი მოიცავს 30 კალენდარულ დღეს, ხოლო მე-2 ეტაპი 45 კალენდარულ დღეს.

6.1.2 სამუშაოები დაიწყოს არაუგვიანეს 5 კალენდარული დღისა ხელშეკრულების დადებიდან. სამუშაოს დაწყების შესახებ წერილობით აცნობოს შემსყიდველს.

6.1.3 სამუშაოს დაწყების თაობაზე მიმწოდებლის წერილობით შეტყობინებაში მითითებული უნდა იყოს დეტალური ინფორმაცია - სამუშაოების ჩამონათვალი, თუ რა კონკრეტული სამუშაოები მიმდინარეობს ობიექტზე.

6.1.4 წერილობით წარმოადგინოს დეპარტამენტში გეგმა-გრაფიკით გათვალისწინებული ყოველი ეტაპის შესრულების დამადასტურებელი დოკუმენტაცია 4.6. პუნქტის შესაბამისად.

6.1.5 დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

6.1.6 სამშენებლო ნორმებისა და წესების სრული დაცვით უზრუნველყოს სამუშაოთა მაღალი ხარისხით

შესრულება და მათი დამთავრება ხელშეკრულებით განსაზღვრულ ვადებში.

6.1.7 სამუშაოები აწარმოოს ტექნიკური ზედამხედველის უშუალო ზედამხედველობის ქვეშ. მიმწოდებელი ვალდებულია წინასწარ წერილობით აცნობოს შემსყიდველს სამუშაოების დასრულების შესახებ.

6.1.8 აწარმოოს კანონით დადგენილი ყველა სამშენსრულებლო დოკუმენტი (სამუშაოების ჟურნალი, ფარული სამუშაოების აქტები და სხვა).

6.1.9 სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე.

6.1.10 სამუშაოს შესასრულებლად აუცილებელი მასალები, აღჭურვილობა და მექანიზმების მიწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.

6.1.11 მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის შესაბამისად უნდა მიიღოს ყველა აუცილებელი ზომა შრომის უსაფრთხოების წესების და გარემოს დაცვის უზრუნველსაყოფად.

6.1.12 მიმწოდებელი პასუხისმგებელია სამუშაოს შესრულების პროცესში ისეთი სამშენებლო მასალების გამოყენებაზე, რომლის მოპოვებაზეც კანონმდებლობით განსაზღვრულია სათანადო ლიცენზიის არსებობა.

6.1.13 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონმდებლობის და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის დააფეთქების თავიდან ასაცილებლად.

6.1.14 ტენდერით გათვალისწინებულ საავტომობილო გზაზე მომხდარი საგზაო-სატრანსპორტო შემთხვევებისას, მონაწილეობა მიიღოს საქართველოს შინაგან საქმეთა სამინისტროს შესაბამისი სამსახურების მიერ სათანადო აქტების გაფორმების პროცედურაში, ასევე ამ საავტომობილო გზაზე, გზის კუთვნილების ან ხელოვნური ნაგებობების ცალკეული ელემენტების დაზიანების ან ქურდობის ფაქტების შემთხვევაში დაუყოვნებლივ აცნობოს შემსყიდველორგანიზაციას, აგრეთვე საპატრულო ან ადგილობრივ პოლიციას საკითხის შემდგომი რაეგირებისათვის.

6.1.15 უზრუნველყოს შესაბამისი სამსახურიდან ნებართვის მიღება საავტომობილო გზაზე ხელშეკრულებით გათვალისწინებულ სამუშაოთა წარმოების გამო მოძრაობის დროებით შეწყვეტისათვის. შემსყიდველისთვის ან/და მესამე პირებისათვის ზიანის წარმოშობის შემთხვევაში მას აკისრია პასუხისმგებლობა საკუთარი ხარჯით ანაზღაუროს მიყენებული ზარალი.

6.1.16 ნებისმიერ დროს, წინასწარი შეტყობინების გარეშე დაუშვას ტექნიკური ზედამხედველი, შემსყიდველი და მისი წარმომადგენლები სამუშაო მოედნებზე. საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

6.1.17 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ.

6.1.18 სამუშაოების წარმოების პროცესში მიწისქვეშა კომუნიკაციების დაზიანების შემთხვევაში სრული პასუხისმგებლობა და დაზიანებით გამოწვეული ზარალის ანაზღაურება ეკისრება მიმწოდებელს.

6.1.19 ხელშეკრულებით გათვალისწინებული სამუშაოთა შესრულებისას იხელმძღვანელოს “სავტომობილო გზების შესახებ” საქართველოს კანონის, საგზაო სამუშაოების კლასიფიკაციის შესახებ ინსტრუქციის, საპროექტო დოკუმენტაციის, ტექნიკური პირობების, სპეციფიკაციების, წინამდებარე ხელშეკრულების პირობებისა და საქართველოში მოქმედი ყველა საჭირო სამშენებლო ნორმის, სტანდარტებისა და წესების მოთხოვნების მიხედვით.

6.1.20 მიმწოდებელმა სამუშაოების დაწყებისთანავე თვალსაჩინო ადგილას უნდა განათავსოს მინიმუმ 2 ცალი

საინფორმაციო დაფა (100სმ/80სმ), შემსყიდველის მიერ გადაცემული ესკიზის შესაბამისად.

6.2. მიმწოდებელს უფლება აქვს:

6.2.1. მოსთხოვოს შემსყიდველ ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

6.3. შემსყიდველი ვალდებულია:

6.3.1 შეუფერხებლად აუნაზღაუროს მიმწოდებელს შესრულებული სამუშაოს ღირებულება ამ ხელშეკრულებით გათვალისწინებული ვადების შესაბამისად.

6.3.2. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

6.3.3 მიმწოდებელს წერილობით მიაწოდოს ინფორმაცია იმ პირების შესახებ, რომლის მიერ განხორციელდება ხელშეკრულებით გათვალისწინებული სამუშაოების ტექნიკური ზედამხედველობა.

6.4. შემსყიდველს უფლება აქვს:

6.4.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

6.4.2. სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ტექნიკური ზედამხედველების მეშვეობით განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი მშენებლობის ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების და მოქმედი სტანდარტების გათვალისწინებით.

6.4.3 ტექნიკური ზედამხედველი და მიმღები კომისია ხელს აწერენ სამუშაოების მიღება-ჩაბარების (შესრულების) აქტებს.

6.4.4 ხელშეკრულების პირობების შეუსრულებლობის შემთხვევაში შემსყიდველის, ტექნიკური ზედამხედველის, მიმწოდებლისა და ხელშეკრულების ინსპექტირების მიზნით შერჩეული სხვა პირების მონაწილეობით ფორმდება შესაბამისი აქტი, სადაც დეტალურად იქნება აღწერილი ხელშეკრულების შეუსრულებლობის მიზეზები, რის შემდგომაც შემსყიდველის შეხედულებისამებრ შესაძლებელია გამოყენებულ იქნეს ხელშეკრულების უზრუნველყოფის გარანტირების მექანიზმი. თუ მიმწოდებლის წარმომადგენელი უარს აცხადებს აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების უხარისხოდ შესრულების შემთხვევაში მიმწოდებელი ვალდებულია თავისი სახსრებით უზრუნველყოს წუნის აღმოფხვრა დაუყოვნებლივ.

6.4.5 უხარისხოდ შესრულებული სამუშაოების დაფიქსირება ხდება ტექნიკური ზედამხედველის მიერ შედგენილ შესაბამისი აქტში, რის შემდეგაც მიმწოდებელს არ უნაზღაურდება დეფექტებით შესრულებული სამუშაოთა ღირებულება.

6.4.6 იმ შემთხვევაში, თუ მიმწოდებლის მხრიდან შესრულებულ სამუშაოთა წარმოდგენილი მოცულობები, შემსყიდველის მხრიდან გადამოწმების შემდეგ არ იქნება რეალობის შესაბამისი, შემსყიდველს სათანადო აქტის შედგენის შემდეგ უფლება აქვს არ აუნაზღაუროს მიმწოდებელს სამუშაოთა ღირებულება. აღნიშნულ შემთხვევაში მიმწოდებელი ვალდებულია, განახორციელოს ფორმა N2-ის კორექტირება დაზუსტებული მოცულობებით და წარუდგინოს შემსყიდველს შეტყობინებიდან 3 სამუშაო დღის ვადაში.

6.4.7 სამუშაოების შესრულებაზე ხელშეკრულებით გათვალისწინებული ვადების მიმდინარეობის კონტროლს მიმწოდებელთან ერთად აწარმოებს ტექნიკური ზედამხედველი.

მუხლი 7. პასუხისმგებლობა

7.1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის მიმწოდებელი ვალდებულია, შემსყიდველის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1% ასეთი მოთხოვნის მიღებიდან არაუგვიანეს 10 (ათი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის 7.2 პუნქტით განსაზღვრული შემთხვევისა.

7.2. ამ ხელშეკრულებით განსაზღვრული სამუშაოების ეტაპების შესრულების დარღვევის შემთხვევაში, მიმწოდებელს დაეკისრება პირგასამტეხლო თითოეული ეტაპის თითოეულ ვადაგადაცილებულ დღეზე ხელშეკრულების ღირებულების 0,1%-ის ოდენობით. მიმწოდებელი ვალდებულია ამ პუნქტით გათვალისწინებული პირგასამტეხლოს გადახდა უზრუნველყოს შემსყიდველის მოთხოვნიდან 10 (ათი) სამუშაო დღის ვადაში.

7.3. ამ ხელშეკრულების 13.1 პუნქტით გათვალისწინებული სამუშაოს დასრულების საბოლოო ვადის დარღვევის შემთხვევაში სამუშაო ჩაითვლება არაჯეროვან შესრულებად და მიმწოდებელს გარდა 7.2. პუნქტით გათვალისწინებული სანქციებისა დაეკისრება ერთჯერადად 7.1 პუნქტით გათვალისწინებული პირგასამტეხლო ხელშეკრულების ღირებულების 1 %.

7.4 იმ შემთხვევაში, თუ ხელშეკრულებით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 3 %-ს, შესყიდველს უფლება აქვს ცალმხრივად შეწყვიტოს ხელშეკრულება.

7.5 მიმწოდებლის მიზეზით ხელშეკრულების შეწყვეტის შემთხვევაში, მას პირგასამტეხლოს სახით დაეკისრება ხელშეკრულების ღირებულების 5%-ის ოდენობით. მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლო არაუგვიანეს 10 სამუშაო დღის განმავლობაში.

7.6 ამ მუხლის 7.1, 7.2 და 7.4 პუნქტების საფუძველზე მიმწოდებლისათვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს შესრულებული სამუშაოების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

7.7 შემსყიდველი კისრულობს პასუხისმგებლობას ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს გადასახდელი თანხის 0,02% ყოველი ვადაგადაცილებული დღისათვის.

7.8 მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.

7.9 მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

7.10 შემსყიდველთან შეთანხმების გარეშე ქვეკონტრაქტორის აყვანის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 1 % ოდენობით.

7.11 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

მუხლი 8. ფორს-მაჟორი

8.1. მხარეები თავისუფლდებიან პასუხისმგებლობისაგან, თუ ხელშეკრულებით ნაკისრი ვალდებულების შეუსრულებლობა გამოწვეულია ფორსმაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია კანონით გათვალისწინებული ფორს-მაჟორული გარემოებებით. ამ მუხლის მიზნებისათვის „ფორს-მაჟორი“ ნიშნავს

მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.2. ის მხარე, რომელიც ხელშეკრულების 8.1. პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 სამუშაო დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

8.3. ხელშეკრულების 8.2. პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (სათანადო არგუმენტაციის საფუძველზე) ვადამდე შეწყვიტონ ხელშეკრულება.

მუხლი 9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3 ხელშეკრულების შეწყვეტის გაფორმება ხდება ორმხრივი შეთანხმებით, დანართის ფორმით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულებით განსაზღვრულ ვალდებულებას/ვალდებულებებს (არ ასრულებს ან არაჯეროვნად ასრულებს);

ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

ე) მიმწოდებელმა განმეორებით დაარღვია ხელშეკრულებაზე თანდართული სამუშაოების შესრულების გეგმა-გრაფიკი;

ვ) მიმწოდებლის მიმართ დაკისრებული პირგასამტეხლოს ოდენობამ მიაღწია ხელშეკრულების ღირებულების 3%-ს;

ზ) იმ შემთხვევაში, თუ მიმწოდებელი სამუშაოებს გეგმა-გრაფიკის მიხედვით განსაზღვრული რომელიმე ეტაპით გათვალისწინებული სამუშაოების ღირებულების 80%-ზე ნაკლებს შეასრულებს, შემსყიდველი უფლებამოსილია ცალმხრივად შეწყვიტოს ხელშეკრულება;

ი) ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება (გააყალბა სატენდერო დოკუმენტაცია, წარმოსადგენი ცნობა და სხვა);

კ) მიმწოდებლის მიზეზით ზედიზედ 10 კალენდარული დღის განმავლობაში არ მიმდინარეობს ხელშეკრულებით გათვალისწინებული სამუშაოები;

ლ) საქართველოს კანონმდებლობით განსაზღვრულ სხვა შემთხვევაში.

მუხლი 10. ქვეკონტრაქტორები

10.1 მიმწოდებელმა წერილობით უნდა აცნობოს შემსყიდველს წინამდებარე ხელშეკრულების ფარგლებში ქვეკონტრაქტორის აყვანის შესახებ.

10.2 ქვეკონტრაქტორი არ უნდა რეგისტრირდებოდეს სახელმწიფო შესყიდვებში მონაწილე არაკეთილსინდისიერ პირთა რეესტრში (შავი სია). ქვეკონტრაქტორის ქონებაზე არ უნდა იყოს რეგისტრირებული ყადაღა/აკრძალვა ან/და საგადასახადო გირავნობა/იპოთეკის უფლება, არ უნდა იყოს რეგისტრირებული მოვალეთა რეესტრში.

10.3 მიმწოდებელი უფლებამოსილია ქვეკონტრაქტორს გადასცეს ხელშეკრულებით გათვალისწინებული სამუშაოების ღირებულების არაუმეტეს 60%-ისა.

10.4 ამ ხელშეკრულების ფარგლებში დადებული ყველა ქვეკონტრაქტის ასლი უნდა წარედგინოს შემსყიდველს.

10.5 მუშაობის პროცესში ქვეკონტრაქტორის შეცვლა, ან დამატებითი ქვეკონტრაქტორის აყვანა ასევე უნდა შეთანხმდეს შემსყიდველთან. მიმწოდებელი ვალდებულია აცნობოს შემსყიდველს სამუშაოთა მოცულობის რანაწილი გადაეცემა ქვეკონტრაქტორს.

10.6 სამუშაოების ნაწილის ქვეკონტრაქტორზე გადაცემით მიმწოდებელი არ თავისუფლდება ხელშეკრულებითნაკისრი ვალდებულებებიდან.

მუხლი 11. ინსპექტირება

11.1 ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესრულებული სამუშაოს ინსპექტირება.

11.2 მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ანმოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

11.3 შემსყიდველს ან მის წარმომადგენელს უფლება აქვს ხელშეკრულების პირობების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე. შესრულებული სამუშაოების ტექნიკური მონიტორინგი და კონტროლი ევალება დეპარტამენტის უფროსის ბრძანებით შექმნილ ჯგუფს. ხელშეკრულების პირობების საერთო კონტროლი ევალება დეპარტამენტის უფროსის დარგის კურატორ მოადგილეს.

11.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

11.5. სამუშაოების მიმდინარეობაზე შემსყიდველი აწარმოებს კონტროლს თანახმად “საავტომობილო გზების შესახებ” საქართველოს კანონის, საგზაო სამუშაოების კლასიფიკაციის შესახებ ინსტრუქციის, საქართველოში მოქმედი ყველა სამშენებლო ნორმის, სტანდარტების და წესების, აგრეთვე ტექნიკური პირობების, ხელშეკრულების პირობების თანახმად, რომელთა დარღვევის შემთხვევაში შემსყიდველი უფლებამოსილია შეაჩეროს სამუშაოების მიმდინარეობა და განახორციელოს ამ ხელშეკრულებით და კანონმდებლობით გათვალისწინებული სანქციები.

მუხლი 12. სხვა პირობები

12.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.3 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

12.4 იმ შემთხვევაში, თუ სამუშაოების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

12.5 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.6 წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.7 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის, ფაქსის სახით ან ელექტრონული ფოსტით (სკანირებული PDF ფორმატში) ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

12.8 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

12.9 მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შემსყიდველი და მიმწოდებელი მოლაპარაკებების დაწყებიდან 10 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

12.10 ხელშეკრულება შედგენილია ქართულ ენაზე, ინახება ორმხრივად ელექტრონულად ხელმოწერილი სახით, რომელსაც გააჩნია თანაბარი იურიდიული ძალა. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.11 ხარჯთაღრიცხვა, სამუშაოების შესრულების გეგმა-გრაფიკი თან ერთვის და წარმოადგენს წინამდებარე ხელშეკრულების განუყოფელ ნაწილს.

12.12 უქმე დღეების დამთხვევის შემთხვევაში სამუშაოების წარმოებასთან დაკავშირებული დოკუმენტაციის წარმოდგენა განხორციელდება საქართველოს სამოქალაქო კოდექსის 127-ე მუხლით გათვალისწინებული წესის შესაბამისად.

მუხლი 13. ხელშეკრულების მოქმედების ვადა

- 13.1. სამუშაოს შესრულების ვადაა - ხელშეკრულების გაფორმებიდან 2021 წლის 27 სექტემბრის ჩათვლით.
- 13.2. მიმწოდებელი ვალდებულია სამუშაოები შეასრულოს 2 ეტაპად დაყოფილი ხელშეკრულებაზე თანდართული სამუშაოების შესრულების გეგმა-გრაფიკის შესაბამისად. 1-ლი ეტაპი მოიცავს 30 კალენდარულ დღეს, ხოლო მე-2 ეტაპი 45 კალენდარულ დღეს.
- 13.3. მიმწოდებელი ვალდებულია სამუშაო დაიწყოს არაუგვიანეს 5 კალენდარული დღისა ხელშეკრულების დადებიდან, სამუშაოს დაწყების შესახებ წერილობით აცნობოს შემსყიდველს. სამუშაოს დაწყების თაობაზე მიმწოდებლის წერილობით შეტყობინებაში მითითებული უნდა იყოს დეტალური ინფორმაცია - სამუშაოების ჩამონათვალი, თუ რა კონკრეტული სამუშაოები მიმდინარეობს ობიექტზე.
- 13.4. ხელშეკრულების მოქმედების ვადა განისაზღვრება ხელშეკრულების ხელმოწერის დღიდან მხარეთა მიერ ნაკისრი ვალდებულებების სრულ და ჯეროვან შესრულებამდე, 2024 წლის 27 ნოემბრის ჩათვლით.

მუხლი 14. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

აჭარის ა.რ.ფინანსთა და ეკონომიკის
სამინისტროს საქვეუწყებო-დაწესებულება
საავტომობილო გზების დეპარტამენტი

ქ. ბათუმი ჯავახიშვილის #72ა

ელ.ფოსტა-info@ajararoads.ge

საიდენტიფიკაციო კოდი: 245 538 333

დეპარტამენტის უფროსი:

ზაზა შავაძე

შპს „მარეთი 777“

ქ. ბათუმი, ტაბიძის 1-ლი ჩიხი, N20.

ელ.ფოსტა-futkaradze.ushangi@mail.ru

საიდ. კოდი: 447 861 216

მიმღები ბანკი: ს.ს. “თიბისი ბანკი”

ბანკის კოდი: **TBCBGE22**

ანგარიშის N

GE18TB7817936080100003

დირექტორი: უშანგი ფუტკარაძე

ხარჯთაღრიცხვა №1 (დანართი №1)
საავტომობილო გზა „ხიჭაური-ნაღვარევი“ კმ7+500
ბეტონის ქვედა საყრდენი კედელი

	სამუშაოს დასახელება	განზ. ერთ.	საპროექტო მოცულობა	ღირებულება	
				ერთ. ფასი	ჯამი
1	2	3	4	5	6
1	IV ჯგ. გრუნტის დამუშავება ქვაბულში ექსკავატორით დატვირთვა ავტოთვიმცლელბზე და გატანა ნაყარში	მ³	34,0	5	170,00
2	გრუნტის დამუშავება ხელით, დატვირთვა ა/თვიმცლელბზე	მ³	2,0	30,00	60,00
3	გრუნტის გატანა ნაყარში 3-კმ-მდე	ტ	63,00	2	126,00
4	VI-ჯგ. გრუნტის დამუშავება სანგრევი ჩაქუჩით	მ³	1,0	15	15,00
5	დამუშავებული გრუნტის დატვირთვა ხელით ავტოთვიმცლელბზე	მ³	1,0	10	10,00
6	გრუნტის გატანა ნაყარში 3-კმ-მდე	ტ	2,00	2	4,00
7	მუშაობა ნაყარში	მ³	37,0	2	74,00
8	ქვიშა-ხრეშოვანი საგების მოწყობა	მ³	4,0	30	120,00

9	ქვიშა-ხრეშოვანი ნარევის ტრანსპორტირება 25კმ-დან	ტნ	7,04	2,00	14,08
10	მონოლითური ბეტონის კედლის საძირკვლის მოწყობა, ბეტონი B20 F200 W6	მ³	17,30	220,00	3806,00
11	ბეტონის ტრანსპორტირება 79კმ-დან	ტნ	42,35	10,00	423,50
12	მონოლითური ბეტონის კედლის ტანისა და პარაპეტების მოწყობა, ბეტონი B20 F200 W6	მ³	19,60	220,00	4312,00
13	ბეტონის ტრანსპორტირება 79კმ-დან	ტნ	47,75	15,00	716,25
14	წასაცხები ორფენოვანი ჰიდროიზოლაცია ბიტუმით	მ²	26,0	12,00	312,00
15	ბიტუმის ტრანსპორტირება 79კმ-დან	ტნ	0,117	15,0	1,76
16	პოლიეთილენის სადრენაჟო d-110მმ მილის მონტაჟი	გრძ.მ	8,0	10,00	80,00
17	ყრილის მოწყობა კედლის უკან ხრეშოვანი მასალით (ბალასტი) ექსკავატორით ჩაყრა და მოსწორება	მ³	21,00	12,00	252,00
18	ხრეშოვანი მასალის ტრანსპორტირება 25კმ-დან	ტნ	40,99	3,2	131,17
ჯამი					10627,75
ზედნადები ხარჯები-8%					850,22
ჯამი					11477,97

გეგმიური დაგროვება -8%	918,24
ჯამი:	12396,21
გაუთვალისწინებელი სამუშაოები -3%	371,89
ჯამი:	12768,10
დღგ - 18%	2298,26
ჯამი ხარჯთაღრიცხვა №1	15066,35

ხარჯთაღრიცხვა №2
საავტომობილო გზა „ხაბეღლაშიგვილები-გომის მთა“ კმ2+600
საყრდენი კედლის მოწყობა

	სამუშაოს დასახელება	განზ. ერთ.	საპროექტო მოცულობა	ღირებულება	
				ერთ. ფასი	ჯამი
1	2	3	4	5	6
1	IV ჯგ. გრუნტის დამუშავება ქვაბულში ექსკავატორით დატვირთვა ავტოთვიმცლელელებზე და გატანა ნაყარში	მ³	20,00	5	100,00
2	IV კატ. გრუნტის დამუშავება ხელით ადგილზე დაყრა	მ³	2,00	30	60,00
3	გრუნტის დატვირთვა ა/მანქანაზე ხელით	მ3	2,00	15,00	30,00
4	V კატ. გრუნტის დამუშავება ხელით სანგრევი ჩაქუჩებით	მ³	1,00	70	70,00
5	გრუნტის დატვირთვა ა/მანქანაზე ხელით	მ3	1,00	30,00	30,00
6	გრუნტის გატანა ნაყარში 1 კმ-მდე	ტნ	41,00	1,00	41,00

7	ქვიშა-ხრეშოვანი საგების მოწყობა მილისა და გაბიონის ქვეშ	მ³	2,0	30	60,00
8	ქვიშა-ხრეშოვანი ნარევის ტრანსპორტირება 20კმ-დან	ტნ	3,52	5,00	17,60
9	ლითონის მილის დ-0,5მ დემონტაჟი-მონტაჟი	გრძ.მ	7,0	50	350,00
10	წასაცხები ორფენოვანი ჰიდროიზოლაცია ბიტუმით	მ²	11,0	12,00	132,00
11	გაბიონების მოწყობა, გაბიონის ყუთები ზომით 2X1X1მ 4ც, 1,5X1X1 8ც შესაკრავი მავთული 9კგ	მ³	20,00	70	1400,00
12	ქვის ტრანსპორტირება 20კმ-დან	ტნ	45,76	5,00	228,80
13	ყრილის მოწყობა კედლის უკან ხრეშოვანი მასალით, ექსკავატორით ჩაყრა და მოსწორება	მ³	9,00	22,25	200,25
14	ხრეშოვანი მასალის ტრანსპორტირება 20კმ-დან	ტნ	17,57	5,00	87,85
ჯამი					2807,50
ზედნადები ხარჯები-8%					224,60
ჯამი					3032,10
გეგმიური დაგროვება -8%					242,57
ჯამი:					3274,67
გაუთვალისწინებელი სამუშაოები -3%					98,24
ჯამი:					3372,91
დღგ - 18%					607,12
ჯამი ხარჯთაღრიცხვა №2					3980,03

შუახვევის მუნიციპალიტეტში, ხიჭაური-ტაკიძეები კმ 3+100 4+200 ზე გაბიონის ქვედა საყრდენი კედლის მოწყობის სამუშაოები

ხარჯთაღრიცხვა # 3

N	სამუშაოს დასახელება	განზ.	საპროექტო მოცულობა	ღირებულება	
				ერთ	სულ
1	2	3	4	5	6
1	ობიექტის აღდგენა და დამაგრება	კმ	0,029	2 000,00	58,00
2	ბუჩქნარისა და წვრილი ხეების გაკაფვა გატანით 1 კმ-ზე	ჰა	0,00360	80 000,00	288,00
3	Ø300 მმ პლასტმასის გოფირებული მილების მოწყობა	მ	15,00	20,8	312,00
	გაბიონის კედლის მოწყობა				0,00
4	III კატ. გრუნტის დამუშავება და დატვირთვა ექსკავატორით თვითმცლელელებზე	მ3	105,00	30,00	3150,00
5	გრუნტის გადაზიდვა ნაყარში 2 კმ-მდე თვითმცლელელებით	ტ	204,75	3,00	614,25
6	სამუშაოები ნაყარში	1000 მ3	0,11	3 000,00	330,00
7	გრუნტის დამუშავება ხელით, თვითმცლელელებზე დატვირთვით	მ3	18,00	30,00	540,00
8	გრუნტის გადაზიდვა ნაყარში თვითმცლელელებით 2 კმ-ზე	მ3	18,00	3,00	54,00
9	გრუნტის სამუშაოები ნაყარში	მ3	18,00	3,00	54,00
10	ქვიშა-ხრეშოვანი საგების მოწყობა	მ3	6,00	30,00	180,00
11	გაბიონის ყუთების დაწყობა ზომით 1.5x1.0x1.0 მ, ქვებით შევსება, ნაწიბურების ჩამაგრება ხელით	ც	20,00	60,00	1200,00

12	გაბიონის ყუთების დაწყობა ზომით 2.0x1.0x1.0 მ, ქვებით შევსება, ნაწიბურების ჩამაგრება ხელით	ც	12,00	80,00	960,00
13	ყორე ქვა გაბიონებისათვის	მ3	54,00	25,00	1350,00
14	კედლის უკანა სივრცის შესავსება ქვიშა-ხრეშოვანი ნარევით	მ3	63,00	25,00	1575,00
	რკ/ბეტონის კედლის მოწყობა				0,00
15	III კატ. გრუნტის დამუშავება და დატვირთვა ექსკავატორით თვითმცლელელებზე	მ3	213,00	30,00	6390,00
16	გრუნტის გადაზიდვა ნაყარში 2 კმ-მდე თვითმცლელელებით	ტ	415,35	3,00	1246,05
17	სამუშაოები ნაყარში	1000 მ3	0,21	3 000,00	630,00
18	გრუნტის დამუშავება ხელით, თვითმცლელელებზე დატვირთვით	მ3	24,00	30,00	720,00
19	გრუნტის გადაზიდვა ნაყარში თვითმცლელელებით 2 კმ-მდე	მ3	24,00	3,00	72,00
20	გრუნტის სამუშაოები ნაყარში	მ3	24,00	3,00	72,00
	კედლის მოწყობა				
21	ქვიშა-ხრეშოვანი საგების მოწყობა	მ3	8,42	30,00	252,60
22	საყრდენი კედლის საძირკვლის მოწყობა მონოლითური ბეტონით	მ3	49,50	250,00	12375,00
23	არმატურის ღეროების დაწყობა	ტ	0,79	3 000,00	2370,00
24	საყრდენი კედლის ტანის მოწყობა მონოლითური ბეტონით	მ3	53,46	250,00	13365,00
25	სადრენაჟე პოლიეთილენის მილი Ø100 მმ	მ	9,90	12,00	118,80
26	არმატურა A240C	ტ	0,25	3 000,00	750,00
27	არმატურა A500C	ტ	0,94	3 000,00	2820,00
28	სადეფორმაციო ნაკერის მოწყობა ბიტუმში გაჟღენთილი ფიცრებით	მ	10,00	30,00	300,00
29	წასაცხები ჰიდროიზოლაცია ცხელი ბიტუმით (2 ფენა)	მ2	112,20	12,00	1346,40
30	მონოლითური ბეტონის ზღუდარის მოწყობა	მ3	3,00	250,00	750,00
31	არმატურა A500C	ტ	0,066	3 000,00	198,00
	დრენაჟის მოწყობა				
32	პოხიერი თიხის ეკრანის მოწყობა	მ3	4,95	40,00	198,00
33	სადრენაჟო ქვა-ყრილი რიყის ქვით	მ3	12,05	25,00	301,25

34	კედლის უკანა სივრცის შესავსება ქვიშა-ხრეშოვანი ნარევით	მ3	147,00	25,00	3675,00
	რკ/ბეტონის კიბის მოწყობა				0,00
35	გრუნტის დამუშავება ხელით, თვითმცლელელებზე დატვირთვით	მ3	1,70	30,00	51,00
36	გრუნტის გადაზიდვა ნაყარში თვითმცლელელებით 2 კმ-მდე	მ3	1,70	3,00	5,10
37	გრუნტის სამუშაოები ნაყარში	მ3	1,70	3,00	5,10
38	ქვიშა-ხრეშოვანი საგების მოწყობა	მ3	0,30	30,00	9,00
39	კიბის ბეტონის საძირკვლის მოწყობა	მ3	0,70	250,00	175,00
40	კიბის ბაქანის მოწყობა (N1 და N2)	მ3	0,71	250,00	177,50
41	ბეტონის საფეხურების მოწყობა	მ3	2,7360	250,00	684,00
42	ლითონის მილი d-150 მმ	გრძ/მ	10,55	22,00	232,10
43	შველერი N18	გრძ/მ	12,61	45,00	567,45
44	მოაჯირების მოწყობა მილი-კვადრატებით	ტ	0,17	3 500,00	595,00
45	ლითონის მოაჯირების შეღებვა 2-ჯერ	ტ	0,17	1 500,00	255,00
ჯამი					61371,60
ზედნადები ხარჯები -8%					4909,73
ჯამი					66281,33
გეგმიური დაგროვება -8%					5302,51
ჯამი:					71583,83
გაუთვალისწინებელი სამუშაოები -3%					2147,52
ჯამი:					73731,35
დღგ - 18%					13271,64
ჯამი ხარჯთაღრიცხვა №3					87002,99

ს/გზა „წყაროთის გზა“ კმ0+000-კმ0+700
ხარჯთაღრიცხვა №4
დამცავი ზღუდარების მოწყობა

N	სამუშაოს დასახელება	განზ. ერთ.	საპროექტო მოცულობა	ღირებულება	
				ერთ. ფასი	ჯამი

1	2	3	4	5	6
1	ქვაბულის მოწყობა, III ჯგ. გრუნტის დამუშავება ექსკავატორით $V=0.25\text{მ}^3$ დატვირთვით ავტოთვიმცლელზე	მ^3	38,00	30,00	1140,00
2	III ჯგ. გრუნტის დამუშავება ხელით დატვირთვით ავტოთვიმცლელზე	მ^3	1,00	50,00	50,00
3	V ჯგ გრუნტებში ფუნდამენტის ქვაბულის დამუშავება სანგრევი ჩაქუჩებით	მ^3	1,00	70,00	70,00
4	გრუნტის გატანა ნაყარში 3 კმ-მდე	ტნ	70,25	5,00	351,25
5	ზღუდარის მოწყობა ფოლადის ბაგირით 11DO-TM:	მ	373,00	33,50	12495,50
6	ლითონის კონსტრუქციების ტრანსპორტირება 62კმ-დან	ტნ	6,13	25,00	153,25
7	ფუნდამენტის და საბჯენების მონოლითური ბეტონი B25 F200 W6	მ^3	14,14	400,00	5656,00
8	ბეტონის ტრანსპორტირება 62კმ-დან	ტნ	34,61	30,00	1038,30
9	დგარების CD-6, CD-7, CD-8 შევსება მონოლითური ბეტონით B25 F200 W6	მ^3	3,26	600,00	1956,00
10	ბეტონის ტრანსპორტირება 62კმ-დან	ტნ	7,98	30,00	239,40
11	დგარების წასაცხები ჰიდროიზოლაცია ბიტუმით 2 ჯერ	მ^2	62,00	15,000	930,00

12	ბიტუმის ტრანსპორტირება 62კმ-დან	ტნ	0,28	30,00	8,40
13	დგარების CD-6, CD-7, CD-8 შეღებვა	ტნ	2,03	1370,00	2781,10
14	ყრილის მოწყობა სრეშოვანი მასალით (ბალასტი) ექსკავატორით V=0.25მ³ ჩაყრა და მოსწორება	მ³	30,00	30,00	900,00
15	ბალასტის ტრანსპორტირება 15კმ-დან	ტნ	58,56	15,00	878,40
ჯამი					28647,60
ზედნადები ხარჯები -8%					2291,81
ჯამი					30939,41
გეგმიური დაგროვება -8%					2475,15
ჯამი:					33414,56
გაუთვალისწინებელი სამუშაოები -3%					1002,44
ჯამი:					34417,00
დღგ - 18%					6195,06
ჯამი ხარჯთაღრიცხვა №4					40612,06
ჯამი ხარჯთაღრიცხვა №1+ №2+№3+№4					146661,44

ელექტრონული ხელწერა ან კვალიფიციური ელექტრონული შტამპი

Ushangi Putkaradze
 Подписано цифровой подписью: Ushangi Putkaradze
 Дата: 2021.07.06 23:06:19 +04'00'
 შენიშვნა: 1) ხარჯთაღრიცხვა წარმოდგენილი იქნას, Putkaradze-ის სახით, ასევე PDF ფორმატით
 2) ყვითელი ფერით მონიშნული პოზიციები განფასებას არ ექვემდებარება

გეგმა-გრაფიკი

შუახევის მუნიციპალიტეტში ს/გზა „ხიჭაური-ნაღვარევი“ კმ7+500 მონაკვეთზე საყრდენი კედლის მოწყობა, ს/გზა „ხაბელაშვილები-გომის მთა“ კმ2+600 მონაკვეთზე საყრდენი კედლის მოწყობა, ს/გზა „ხიჭაური-ტაკიძეები“ კმ3+100, კმ4+200 მონაკვეთზე საყრდენი კედლის მოწყობა, ს/გზა „წყაროთის გზა“ კმ0+000-კმ0+700 მონაკვეთზე საყრდენი დამცავი ზღუდარების მოწყობა.

სამუშაოს დასახელება	სამუშაოს ხანგრძლივობა 75კალენდარული დღე		მთლიანი სამუშაოს ღირებულება გაუთვალისწინებ ლი ხარჯის გარეშე
	1-30დღე 20%	31-75დღე 80%	
საავტომობილო გზა „ხიჭაური-ნაღვარევი“ კმ7+500	2925,51	11702,02	14627,53
საავტომობილო გზა „ხაბელაშვილები- გომის მთა“ კმ2+600	772,82	3091,29	3864,11
ხიჭაური- ტაკიძეები კმ 3+100 4+200 ზე გაბიონის ქვედა საყრდენი კედლის მოწყობის სამუშაოები	16893,78	67575,14	84468,92
ს/გზა „წყაროთის გზა“ კმ0+000-კმ0+700, დამცავი ზღუდარების მოწყობა	7885,84	31543,35	39429,18
სულ	28477,95	113911,79	142389,74

Ushangi
Putkara
dze

Подписано
цифровой
подписью: Ushangi
Putkaradze
Дата: 2021.07.06
23:15:28 +04'00'

ხელწერილი ინტერესთა კონფლიქტის შესახებ

ქ. ბათუმი

14/07/2021 წელი.

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, შუახევის მუნიციპალიტეტში ს/გზა „ხიჭაური-ნაღვარევი“ კმ7+500 მონაკვეთზე საყრდენი კედლის მოწყობის, ს/გზა „ხაბელაშვილები-გომის მთა“ კმ2+600 მონაკვეთზე საყრდენი კედლის მოწყობის, ს/გზა „ხიჭაური-ტაკიძეები“ კმ3+100, კმ4+200 მონაკვეთზე საყრდენი კედლის მოწყობის, ს/გზა „წყაროთის გზა“ კმ0+000-კმ0+700 მონაკვეთზე საყრდენი დამცავი ზღუდარების მოწყობის (NAT210010302, CPV-45200000) სახელმწიფო შესყიდვასთან დაკავშირებით 2021 წლის 14 ივლისს გაფორმებულ სახელმწიფო შესყიდვის №161 ხელშეკრულებაში მითითებულ მიმწოდებელ შპს „მარეთი 777“-თან (ს/ნ-447861216) ინტერესთა კონფლიქტში არ ვიმყოფები.

დეპარტამენტის უფროსი:

ზაზა შავაძე